

傅角今編著

湖南地理志

傅角今編

湖南地理志

熊湘署檢

中華民國二十二年一月初版

▲每冊定價大洋伍元▼
▲外埠酌加郵費▼

編著者 傅 角 今

代印者 長沙湘益印刷公司

裝訂者 長沙湘益印刷公司
長沙細欄巷六一號
上海美藝製本所
長沙細欄巷六八號

代發行所 武昌亞新地學社
武昌康院坡十八號
上海五馬路寶善里

代售處 長沙商務印書館
各省大書坊

湖南地理誌

GEOGRAPHICAL SURVEY
OF HUNAN
By Fu-coking

版 權 所 有

嘗讀湘中山水記湘州記湖南方物志諸
書竊喜其於吾鄉邦之概況博而且明然
其適於用否合於今否固未嘗一計及之
也民國十八年春奉

國府命兼主湘政蒞事之始欲求湖南山
川人物利弊之故以資策進而福厚我人
民則諸書不能詳將時巡視考察得諸吾
身所親見而政事叢集又不可得為之躊

踏不能自己者久之傅子角今吾鄉堅苦
卓越之士以地理學聞於時而適從予遊
朝夕諮詢其益於予侈矣於是進而告之
曰世間萬物依附大地以生存若子母之
相屬夫宅吾居也必審其吉凶屋吾庇也
必求其構造今終身寄履之后土其質性
形勢與民生相需之切反昧焉而不知審
求其為智也不亦微乎世界之遠中國之

大綜析紀錄猶曰費時若湖南吾與子廬墓之所託衣食之所資山脈河流城市道路經濟交通人口物產一切之關於人事者事雖近而不可詳也言之易而不能盡也余猶有憾矧在吾子其古今沿革變遷之異與所以資學者廣識博聞之助官府對案施政之益子宜有以述之傅子曰諾乃從事積數稔而書成顏曰湖南地理志

請序於予予嘉傅子之志且慶其有成功
也為書其由而弁諸簡

民國二十一年冬月何鍵序於長沙

自序

古人讀書，左圖右史，以其識之也易，而入之也深也。

余既就外傳，即好爲史地之探求；及涉獵羣書，而後知吾國之于輿圖，在昔已極爲重視，故周禮有職方氏之設，而蕭何從漢高入咸陽，獨先藏秦之圖籍。茅塞之思，以爲昔已如斯，則今之圖籍之精詳，必有遠勝於古代者，其於古今沿革之異，形勝物產之美，但一披讀，當能盡遂所求。乃入肆搜羅，冀能如古人之左圖右史，以竭余之所欲。而不圖坊間之所售，其所謂圖籍者，不過歷代輿地沿革圖考、瀛寰志略、寰宇記、水經注、皇輿紀要、而已。諸書之所紀，非不詳且贍

也；然時代既異，需要不同，詳簡之分，乃令人不無缺望耳！諸書以外，欲求其新出而較周備者，則或譯自外人之撰述，或即爲原版之西文，縱有國人之著作，其所本蓋亦多來自外籍，不能自道其詳。反觀東瀛，則大異夫是：其在本國者，茲所不論；但述其在吾華之搜集，即足以驚人！滬之濱，有同文書院者，日人之所經營也。其所懸之鵠的，專在探索吾華形勢之險要，山川原隰之濳環，與夫寶藏之興，貨財之殖，風俗習慣之好尚，人民生計之豐儉，一一書之，以爲他日侵畧之準備。其調查之法，尤爲周詳：以學生分爲若干班，每班若干人，指定省份，專事其地理上各項資料之搜集，

即以所擔任省分之省名，而名其班次，如雲南班、貴州班、之類，每至寒暑假，復令其假遊歷之名，深入各省內地考察之，足跡所至，鉅細靡遺，凡此所需，年蓋無慮百數十萬；集之既久，勘爲專書，舉全國而並紀之，遂裒然成巨帙，而顏之爲『支那省別全誌』，國人之欲稽攷本國地理者，反須取材於是，寧非大恥？不特此也，日人之處心積慮，欲蠶食我也，欲鯨吞我也，故於支那省別全誌既成之後，猶倍其力以鑿幽絕險，期更有所得。彼既於我之山川形勢，地方肥瘠，民情物尚，瞭如指掌，而我乃懵然木然，如孩提之不知其家之別途曲徑；則其來也，豈但無可防之？且將無可禦之？事

之至危且殆，孰逾如此！又不特此也，中華、世界六大古國之一也，聲教文物，素不後人，茲乃於其所居之地，問其政教風俗，阨險原野，皆茫然不知所云，即無環伺之強隣，猶當引以爲恥，矧處此日被侵畧，而莫能自振之境也夫？夫土地，構成國家三大要素之首也，而乃精華寶藏，外露無餘，譬之家珍，不知加以掩蓋，而縱鄰之爲盜者，日撫摩而鑑別之，其有不盡爲其所奪者蓋鮮矣！用是自忘其愚，日孜孜於地理上之資料是求，凡古今載籍之所次，師友之所談，其足資參考，有補於余之著錄者，罔不探原究本，筆而藏之；雖未周覽南北名山大川之勝；然平生舟車之所屆，得以互相印

證，以縈繞於余心者，常若故鄉景物，歷歷在余目焉。此一鱗半爪之所得，其根觸於余懷者，又若國人自衛之策，亦於此而遂得其道焉者。沾沾自喜之餘，遂有地理學通論、世界地理志、中華民國省區全圖等之編製，以就正於先進之學者。僉曰：是冊也，紕繆尙少，其挾持之資可造也！乃益自奮勉，肆其力於全國地理之研求，妄欲更有所成，付之剞劂，以一洒取資寇著之恥，而爲禦寇防寇之謀。區區之心，固尙未敢以言裨益後進，可使之有左圖右史之便利，而補其所缺憾也。終以蚊負多艱，行之未易，久而不能得其全豹焉。或曰：「登高自卑，行遠自邇，吾子未聞之耶？吾子湘人，書之

成，曷爲不自湘始？』余憬然曰：『然哉然哉！日人之支那省別全誌，固亦集省而成者也。』於是以前此之所得，部居分類，而訂僞正譌；參考之所及，由通行之載籍，而至於世家之藏書，由己之所知，以證他人之筆錄，由是而地勢之險夷，河流之分合，政教之良窳，物產之虛盈，胥得彙知其本末；他如省內名勝風物之足供觀覽者，或曾爲屐笠之所經，而自攝其影，或爲他人之所攝，輾轉求而得之，竭六年之功，所探約數百萬言，得照片亦百數十幅；益以近年供職湖南省政府，於各縣調查之所得，統計之所詳，皆得與目而審核之，於余之所欲徵探者，乃更與余以便利之機。雖所集尙不足以盡

湖南大地之文，然亦可覘其梗概。既以付之手民，乃序其緣起。若夫此外各省之實地考察，竟委窮源，不敏如余，安敢自惜其筋力？所惴惴焉自懼者，前此殫六年之力，所得不過爾爾，欲盡中國而紀之，尙不知其耗時需至若干也。雖然，同調於余者，余知其必不乏人，幸有以啓余之愚，而補余之所不逮也！

中華民國二十一年壬申冬醴陵傅角今自識

昔尋都麗峯。束馬望疑峯。起伏連五嶺。嵯
峨秀九巒。虞巡識南嶽。荒曠久雲封。竊立同配
天。爭雄疑祝融。以茲四紀懷。將闕百靈宮。夏
五應良期。虞祠拂薰風。沿冷徑窈窕。踰嵎雲
龍。百里期直上。盤迂路無從。風雲忽蕩瀉。夷
夏曠溟濛。離明渙文光。紫氣簇芙蓉。日出萬物
覩。中天慶崇隆。將弘升中禮。豈獨覲朝宗。

——摘自王湘綺先生衡山篇——

例 言

一、本書共分五編：第一編緒論，第二編自然概況，第三編政治概況，第四編經濟概況，第五編縣市誌略。

一、本書係就拙編湖南地理講義原稿加以整理，並蒐輯其他各種資料，附益而成；有爲編者所認當加以調查之處，復經親自調查，或託可靠之友人代爲調查，加以訂正；惟自著手以至成書，先後經過六年之久，調查時期不一，故所附誌時日，亦各有不同。

一、各縣沿革資料，或係得之各縣志書，或係得之私家筆錄，或係得之父老口述；然均經加以參訂，庶免紕繆之譏；故其所稱述，亦與羣書少異。

一．本書得助於余師白眉初先生者甚多，而劉德邨，陳子釗，程冰
厂，劉嵐蓀諸先生，亦各曾供給資料或照片；校讎之事，則得
力於李樸庵先生者極多，書此致謝！

一．編者學識譴陋，謬誤之處，自知不免，尙乞 閱者加以指正。

編 者 識